



Arkivnr: 2014/10533-5

Saksbehandlar: Roald Breistein

## Saksframlegg

### Saksgang

Utval	Saknr.	Møtedato
Kontrollutvalet		

## Forvaltningsrevisjon av forholdet mellom skuleeigar og skular - Forslag til justert prosjektplan

### Bakgrunn for saka

**I samband med handsaming av melding 76/13 i møte i kontrollutvalet i Hordaland fylkeskommune 18.12.13 vart det gjort slikt vedtak:**

*"76/13 201305570-90 Tilstandsrapport vidaregåande opplæring 2012 - 2013 for Hordaland fylkeskommune*

*På bakgrunn av vedtaket punkt 2 vert Deloitte beden om å komme med ein justert prosjektplan innan forvaltningsrevisjon "Forholdet mellom skuleeigar og skular" til neste møte i kontrollutvalet."*

**Vedtak punkt 2 i melding 76/13 lyd slik:**

*«Tilstandsrapport vg opplæring 2012-2013 for Hordaland fylkeskommune vert vidaresendt for innarbeiding i arbeidet med Deloitte sin forvaltningsrevisjon "Forholdet mellom skuleeigar og skular".»*

**Den opphavlege prosjektplanen vart godkjent i møte 19.09.2013 som sak 26/13 med slikt føremål og problemstillingar:**

*"Føremålet med prosjektet vil vere å undersøke om samhandlinga mellom skuleeigar og dei vidaregåande skulane i fylkeskommunen er føremålstenleg, og i kva grad den nye organiseringa sikrar einskapleg styring og felles praksis ovanfor skulane frå skuleeigar si side.*

*Med bakgrunn i dette føremålet er det formulert følgjande problemstillingar:*

1. *Fungerer fylkeskommunen sitt kvalitetssystem tilfredsstillande og etter føremålet?*
  - a. *I kva grad bidrar kvalitetssystemet til at fylkesadministrasjonen har kontroll med om krava i opplæringslova blir etterlevd i skulane?*

- b. *I kva grad bidrar kvalitetssystemet til at fylkeskommunen kan følgje opp skulane innanfor det pedagogiske utviklingsarbeidet?*
  - c. *I kva grad bidrar kvalitetssystemet til skulane sitt arbeid med å planleggje og vurdere det pedagogiske utviklingsarbeidet?*
  - d. *Fungerer kvalitetssystemet tilfredsstillande når det gjeld opplæringsavdelinga si oppfølging av planlegging og resultat ved skulane?*
2. *I kva grad fungerer den nye organiseringa med regionleiarar når det gjeld å sikrar einskapleg styring og felles praksis ovanfor skulane?*
    - a. *Opplæringsleiarane å få tilfredsstillande råd og støtte på følgjande områder:*
      - i. *...økonomiske og administrative oppgåver?*
      - ii. *...faglege og pedagogiske spørsmål?*
      - iii. *...personal og HMT?*
    - b. *Bidrar organiseringa til ei tettare samhandling mellom skule og skuleeigar?*
    - c. *Har fylkeskommunen eit tilfredsstillande system for å sikre riktig og nødvendig kompetanse i skulane, og for nødvendig kompetanseutvikling for personalet?*
  3. *Har fylkeskommunen tilfredsstillande rutinar for utarbeiding og handsaming av årleg tilstandsrapport (jf. oppl. § 13-10)?»*

#### Drøfting:

Med utgangspunkt i det som går fram over har Deloitte levert forslag til justert prosjektplan for "Forvaltningsrevisjon av forholdet mellom skuleeigar og skular". Prosjektplanen følgjer som vedlegg.

Av den justerte prosjektplanen går det fram at føremålet med revisjonen er det same som i den opphavlege prosjektplanen.

I tillegg er det formulert inn følgjande tilleggsproblemstillingar:

4. *I kva grad blir gjennomføringstala for vidaregåande skular nytta i oppfølgingsdialogen mellom skuleeigar og skulane?*
  - a. *Kva er hovudårsakene til manglande gjennomføring ved dei vidaregåande skulane i Hordaland?*
  - b. *Korleis sikrar fylkeskommunen at tiltak som bidrar til auka gjennomføring blir sett i verk ved den enkelte skule?*
  - c. *Har fylkeskommunen tilstrekkeleg informasjon om sluttårsaker slik at relevante tiltak kan setjast i verk ved skulane?*

I opphavleg prosjektplan hadde Deloitte lagt opp til å m.a. nytta dokumentanalyse, intervju, elektronisk spørjeundersøking og verifiseringsprosessar som metode. Intervju skulle gjerast med opplæringsdirektøren, 3 regionleiarar og 3 rektorar. I tillegg er det i den justerte prosjektplanen lagt opp til å intervjuje personell som arbeider med å leggje til rette gjennomføringstal i fylkeskommunen.

Med utgangspunkt i det omfang som ligg i den justerte prosjektplanen meiner sekretariatet at det kan forsvarast å bruke det timetal som er føreslått.

#### Konklusjon:

Sekretariatet meiner at den justerte prosjektplanen er godt gjennomarbeidd og i tråd med føringane frå kontrollutvalet. Når det gjeld timetalet vil sekretariatet tilrå at det vert godkjend slik det ligg føre, inkludert opsjon på presentasjon av revisjonsrapport for fylkestinget.

#### Forslag til vedtak

1. Kontrollutvalet bestiller utviding av forvaltningsrevisjon av forholdet mellom skuleeigar og skular, frå Deloitte AS, med utgangspunkt i forslag til justert prosjektplan og ev. innspel under drøftinga i møtet.

2. Ev. ny korrigert prosjektplan vert å sende sekretariatet innan 01.03.2014. Kontrollutvalsleiar, i samråd med sekretariatet, får fullmakt til å godkjenna endeleg prosjektplan.
3. Det vert akseptert ein samla timeressurs på inntil det timetal som ligg i den justerte prosjektplanen, inkludert opsjon på ev. presentasjon av rapporten i fylkestinget.
4. Kontrollutvalet ønskjer at revisjonsrapport er klar frå Deloitte si side innan utgangen av mai 2014 ferdig verifisert og med fylkesrådmannen sin uttale vedlagt og/eller innarbeidd.

Hogne Haktorson  
kontrollsjef

Roald Breistein  
seniorrådgjevar

*Dokumentet er elektronisk godkjent og har derfor ikkje underskrift.*

Vedlegg: Forslag til justert prosjektplan «Forvaltningsrevisjon av forholdet mellom skuleeigar og skular», frå Deloitte